

Jud

¹ I dere așeta, Yesu Kerisoné kutó diratere whi Jems-né noma Jud-né dapó. Talené a beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene waai wisiyóló kaae tawóo, ere so whipaae dapó.

² Ti Kótóné koleturaalu hãle tao sere alakélé, hosaa muni deyóló dua betere alakélé, yaala sókó fole alakélé, mo turó diã tuãmó mulópóló yae.

Kótó hõratere whirapené dere alamó dowi tikipaae faaire ala

³ Yãlo hosaa mole no nerape-ó, dã fea aluyaqsóro Kótóné tao sere ala bete diãné tuę yópóló, așeyaa ketekę bualepó. Téyaleteti, Talené ama kae beteró betere so whipaae tuę tiki tiratere fo mo wisiyóló kaae tawae yóló, mo betã félimótóro melalepó. Ai fo wisi tokóló aluróló mené kae fo depa, taalae yóló foné saasepóló i dere ape.

⁴ Ti noatepae, mepaae whirape kikiti wóló diã kuamó betereteiné dapó. Ai whirape atimané mió ai du betere ala yaai teópa mo taketitei, Kótóné só deró beterapóló așemó erapó. Ti atimata, Kótóné ala erénitere whirape bitu, Kótóné hamokoróló tao sere ala hãle ęla aqróló, nópu naaitere ala fo mu-nipa yae du beterapó. Atéturaalu, dã teteróló kaae tare mo doasi Tale Yesu Keriso betãtóró betepatei, atima a aqmó betaalo hõróló ama doi doróló faletu beterapó.

⁵ Mió yalo i yaaitere fo fea diaaḡ tuépatei, mo diriyóló tué yaasepóló, momó i dapa wosae. Talené ama so whḡ Isip hae kwiamó betepa, ama tao sóró dapesó waletei, nalo ama dere fo wosóló tué tiki tiréni yale so whḡ mo ti dóló sisiraae faralepó.

⁶ Meta, Kótóné mepaae *ensel*-rapepaae kaae tawae yóló melale kutó taalóturaalu, atima betere tikikélé taaralepó. Atétepa, atima Kótóné dirii *sein* képiné dokóló diliki tuamó mo ti *dipula* beteró beterapó. Aita hāle mei, Talené ama taleyaaire doasi be de sókó wópóló, kaae taru beteró beterapó.

⁷ Meta, Sodom beró Komora betamokélé, ai be hulua tamo felekemó tē mole doasi be huluara-pekélé, doró beteretei kisipa muae. Ai berape huluamó betó mole so whḡné nópu nokole alaró kae kae sonaalei dowi alatamo mo dekéro hāle yó tapa, Talené kwia melalepó. Mió i alimó betere so whḡné ai yale ala tué muóló, nalo waaire alimó Talené dowi kwia matere so whḡ mo ti dó tare simó beteratepa, doasi dele saalopóló kisipa muópóló erapó.

⁸ Ai ala ere kaaetóro, yalo diāpaae yale kapala fo yó matere whḡrape atima nokené i ala kelalepó du bitutei, nópu nokole alané atimané tikitei doróló folokoleróo, doasi tēteróló kaae tare whḡrape aḡmó bitini dowāae fōo, hepen bemó betere sekērapekélé faleyoó, du beterapó.

⁹ Tétepatei, doasi topo *ensel* Maikel ḡ halaainé Satan-paae etei kaae só deratere fo inipó. Moses-né tiki sini né saaloé yóló atimaamo seḡ seḡ yaletei, Maikel-né Satan foné sóró só deréni, “Talené amatei ya foné sóró, só derópóló yae,” fo betā erapó.

10 Topo *ensel*-né atei faletere fo dumitei, diã tuãmó ai betó mole whĩrape atima diriyóló tuế inire alarape fea faletu beterapó. Tétu, atima topo daanire ọla hupu ó yuwiné dere ala kaae, tó tikiné ekẹleyóló hẹle họko du betere ala atima mo wisiyóló kisiparu, dere alanétei atima mo dorótu beterapó.

11 Ai whĩrape atima doló sukunaaire tuění, hẹle họko du betere alata, Kein ẹ dowąae fóló noma du yale kaaetóró ai du betere ape. Kale whĩ Balam ẹkélé doasi *moni* saai ekẹleyóló kópaae fu yale kaae, ai whĩrapekélé tuế tekeni, *moni* saai dapóló ekẹle duraalu ai fele ape. Kale whĩ Korakélé Kótóné sóró beteraale topo whĩ Moses aqmó betere horyóló dowąae fupa, Talené atima doló alurótu yale kaae, ai whĩrapekélé atéró doraalopó. Téyaalopa ai whĩrape atima wiyó yae!

12 Ai whĩrape atima haleni, Keriso so whĩ diąsisi yaala sókó furaalu, ọla deyóló nokole sukamó atimakélé Keriso whĩrapepóló halaainé, diątamo ọla betámó nukua dapó. Ai whĩrape tuãmóta, i ala kaae erapó. Tụmó kapo fosó ó ni serake kikiti holó tare kaae, diã doraaire ala atima tuãmó bulapó. Meta, *sipsip* hupu kaae tare whĩrapené hupurape wisiyóló kaae tani, ọla atima maaté nuku dere kaae ai whĩrapené du betere ala atérapó. Hali waairaalu, sẹko diliki deretei halimo wéni, beséné kae tikipaae só fu dere kaae dua dapó. Meta, ni du woletere alimó kelerẹlemó, du betẹkélé woleni, ama felekekélé haepaae derepéni yóló hẹle tómó beleru, kale ni mo ti sẹlitu dere kaae atimané dere alaró betere alatamo atérapó.

13 Meta, doasi wẹi dokole sukamó dakeró ọla

ɔla holopetamo sóró wóló wẹi fókumó mulótu dere kaae, mo sonaané yóló halei alatei, atima mo halaainé du beteraþó. Meta, samó hore hoko kutu dere kaae, atima mo dowi diliki dolomó atéro beteraþóló, ero beteraþó.

¹⁴⁻¹⁵ Adam-né deale naalené deté feletei dosataturaalu, apo mi dakoróló deale whi Inokepaae Kótóné i fo yae yóló ipakaleþó. “Talené ama kae betero betere *ensel*-rape mo hale ɔla kaae atamo ai walapa kelae. So whi feané ama ala eréni, kae tu sya fóló dowi ala duraalu, Tale faleýóló deteraaire fo du betaleteimó, taleýóló só deraai waalopó,” erapó.

¹⁶ Ai whirape atima Kótóné ala sya faalomeipóló, doka doka yóló faleturaalu, tó tikiiné ekelere ala sya fóló dowi ala du beteraþó. Tétu, atimatei doi sóró horóló bopé faketu beteraþó. Mepaae so whiné atimamó me alakó erópóló kisipa mutu, foné so whi hale mulóló dukiratare fo du beteraþó.

Kótóné ala erótu betereþei taaréni, hale ero tawae

¹⁷ Téþatei, yalo hosaa mole no nerape-ó, da tetéroló kaae tare whi Yesu Kerisoné dotonale *aposel* whirapené take nalopaae i ala yaalopóló, diapaae yó melale fo tué muae.

¹⁸ Ai whirapené diapaae i fo yaleþó. “Take kemetere sukamó Kótóné ala faletu betere so whi atima tó tikiiné ekelere ala sya fóló, dowi ala maaté du betaalopó,” erapó.

¹⁹ Ti ai ala du betere whirape tuamó Dei Kepe Wisi bitini, mo hae whiné mole tuéro dere

alatamo maaté sya furaalu, diä tuámó fake tek-erótu beterapó.

²⁰ Tépatei, yálo hosaa mole no nerape-ó, diä Tal-ené ama so whi bitu apaae tué tiki tiró beteretei mo ti fakeyópóló, ama mo kae ere fo wisi sya fóló erótu betóo, Dëi Kepe Wisiné diä fotokqratepa Talepaae moma yóo, du betae.

²¹ Dä teteróló kaae tare whi Yesu Kerisoné kqletu, tao sóró mo ti betere ala tuapaae dapesó faaire be dë kaae taru, diä Kótóné yaala sókó fole ala tuámó betó tawae.

²²⁻²³ Atéru, mepaae so whi kisipa tamo muluraalu tué tiki tiratere ala wotqalepa, kqletu tao sae. Téturaalu, mepaae mo felekemó sipaae faaitere so whi atima aluyaqsóro tao sóo, sukqle whiné yei kuti bukaalo hqtu dere kaae, mepaae so whi atimané tó tikimó ekqleyóló du betere son-aalei ala diapaae tekaqsóro, wiyóló tika kae bitu kqleyóló tao sóo yae.

Kótóné doi doasi mulatere fo

²⁴ Diä dée naqsóro tao senére sekéné doi doasi muópóló, hale sóró horae. Ti diä ai sekéné ama kae ere dë tuapaae dapesó fóló, me alakélé muni mo doasi hai fqanuraalu qtamo betámó betenérápó.

²⁵ Dä teteróló kaae tare Tale Yesu Keriso tuapaae erale alané so whi aluyaqsóro tao su beterapó. Atére Kótó mo betqtóro beterapa, ama doi doasi mulae. Tétu, mo kae ere dë fqane alakélé, ama mo kae ere ala wisinaalekélé, doasi fotokqkélé, fea ala teteróló kaae tare betekélé, mo apaaetóro erópóló yae. Mo take keké nale alimókélé, mió i betere

alimókélé, nalo betaaire alimókélé, ama doi doasi
hale muó tanópóló, sóró horótu betae. Mo kée,
táyópóló yae!

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105